



MØTEINNKALLING

Utval: Komite for oppvekst
Møtestad: Formannskapssalen
Dato: 23.09.2015
Tid: 14:00

Melding om forfall til tlf. 70081300.

Forfall til møter i kommunale organer skal vere gyldig i hht. Lov om kommuner og fylkeskommuner § 40, nr. 1.

Varamedlemer som får tilsendt sakliste, skal ikkje møte utan nærare innkalling.

Dersom du ønskjer din habilitet vurdert i ei sak, må du melde skriftleg frå til Fellesekretariatet om dette i god tid før møtet (Forvaltningslova § 8, 3. ledd).

Fosnavåg, 17.09.15

Linn-Therese H. Sævik
leiar

SAKLISTE:

Saksnr	Innhold
PS 8/15	Godkjenning av innkalling og sakliste
PS 9/15	Protokoll frå førre møte
PS 10/15	Førebyggjande arbeid for barn og unge

Referatsaker

RS 7/15	Melding om vedtak - Godkjent reguleringsplan for gang- og sykkelveg Sandvika - Stokksundkrysset FV 10
---------	---

PS 8/15 Godkjenning av innkalling og sakliste

PS 9/15 Protokoll frå førre møte



Avdeling for Barn, Familie og Helse

SAKSFRAMLEGG

Sakshandsamar:	IMT	Arkivsaknr:	2015/1161
		Arkiv:	F40

Utvalsaksnr	Utval	Møtedato
19/15	Komite for Helse og omsorg	10.09.2015
10/15	Komite for oppvekst	23.09.2015

FØREBYGGANDE ARBEID FOR BARN OG UNGE

Møtebehandling:

Barn-, familie- og helseleiar Inger Marie Tofthagen orienterte.

Vedtak i komite for helse og omsorg 10.09.2015.

Saka vert teke til vitande.

Tilråding:

Saka vert tatt til vitande

Særutskrift:
Skuleleiar
Barnehageleiar

Kulturleiar
NAV leiar
Barn- familie og helseleiar

Vedlegg:

Notat om førebyggjande arbeid for barn og unge.

Saksopplysningar:

Det førebyggjande arbeidet for barn og unge har i mange år vore prioritert i kommunen. Styringsgruppa for arbeidet har sett at det no var behov for ei evaluering av området for å justere kursen noko.

Notatet tek for seg historikken for det førebyggjande arbeidet i kommunen fram til i dag og skisserar og den vidare organiseringa på området.

Vurdering og konklusjon:

Rådmannen ynskjer å fylje opp saka i samsvar med notatet.

Fosnavåg, 28.08.2015

Olaus-Jon Kopperstad
Rådmann

Inger Marie Tofthagen
Avd.leiar

Sakshandsamar: Inger Marie Tofthagen

Førebyggande arbeid for barn og unge

1. Innleiing

Kommunen har gjennom mange år arbeidd aktivt med førebyggande arbeid for barn og unge. Arbeidet har vore evaluert undervegs, og det har då også vore naturleg å justere kursen noko. No står ein igjen ved eit slikt vegskilje og vil i den samanhengen også oppsummere hovudpunkta i det som har skjedd så langt.

2. Historikk

Styringsgruppa for førebyggande arbeid for barn og unge har vore i arbeid i fleire år. I K-sak 45/01, i samband med handlingsprogram 2001-2004, vart det avsett midlar som skulle vere til rådvelde for gruppa. Seinare har det vore nytta psykiatrimidlar og andre prosjektmidlar til felles tiltak.

Rusførebyggande tiltak og haldningsskapande arbeid har hatt sterkt fokus. MOT-programmet i ungdomsskulen var lenge det dominerande tiltaket innanfor den økonomiske ramma styringsgruppa disponerte.

Styringsgruppa har vore samansett av leiarar frå dei ulike fagavdelingane i kommunen, som har ein funksjon mot barn og unge. Dette har vore Helse, Skule/PPT, Barnehage, Kultur og Barnevern/sosial. Samarbeidspartnarar har vore Politi, Tannhelse og Interkommunal styringsgruppe for førebyggande arbeid.

Gruppa fungerte i fleire år som eit samarbeidsorgan for prosjekt og tiltak i det førebyggande arbeidet, med utveksling og erfaringar, tankar og idèar.

3. Evaluering i 2008

I januar 2008 kjende ein behov for å konsolidere status. Det vart stilt spørsmål ved om gruppa faktisk var ei styringsgruppe, eller om det kun var eit informasjons- og samrådingsorgan. Ein stoppa derfor opp, skaffa seg oversikt over prosjekt og tiltak, samt reflekterte over vegen vidare. Det var nødvendig å gjere denne vurderinga for å skape engasjement for ei eventuell vidareføring av arbeidet.

I denne prosessen var ein bevisst på følgjande:

- Det foregår svært mykje førebyggande arbeid retta inn mot barn og unge. Noko er universelle tiltak, t.d. haldningsskapande arbeid og rettleiing i svangerskapsoppfølging, helsestasjon, skulehelsetenesta, skular og barnehagar, idrett og frivillige lag og organisasjonar. Noko er selekterte tiltak, der ein arbeider mot spesielle grupper i høve ein oppstått situasjon eller eit problem. Noko er indikerte tiltak, der ein set inn tiltak overfor enkeltpersonar eller mindre grupper for å avgrense følgjene av eit problem.
- Fagavdelingane har for dårleg kunnskap om kvarandre sine lovverk og ansvarsområde, mål og tiltak.

- Det førebyggjande arbeidet generelt, og det universelle spesielt, vert lite snakka om og gjort kjent både politisk og administrativt.
- Det er fleire tverrfaglege nettverk som er i gang, nokre fungerer svært godt, andre kan kanskje effektiviserast eller samordnast med andre.

4. Prosess mot ny felles plattform

Med bakgrunn i refleksjon, bevisstgjerung og ny kunnskap, bestemte styringsgruppa seg for å ta eit langt steg vidare i det førebyggjande arbeidet. Ein ville utarbeide ein felles plan for det førebyggjande arbeidet, med felles, overordna mål og strategiar. Dei ulike fagavdelingane sine mål og tiltak skulle bygge opp under og henge saman med desse.

Dette arbeidet hadde ikkje vore gjort før, og det vart ein møysommeleg og svært lærerik prosess. Fagavdelingane har i prosessen lært kvarandre å kjenne på ein ny måte. Ein har fått god oversikt, respekt for kvarandre sitt arbeid, og kjennskap til ansvars- og arbeidsområda i eit breiare perspektiv. Eini har sett behovet for samordning og målretting på fleire område, og har generelt fått større forståing for verdien av det førebyggjande arbeidet. Samtidig har ein med seg erkjenninga av at effekten av det universelle arbeidet, kan vere vanskeleg å måle. Likevel kan ein ikkje unnlata å arbeide på dette området, med tanke på at behovet for selekterte og indikerte tiltak då vil kunne bli langt større.

Proessen gav erkjenninga av at det var på høg tid ein fekk utarbeidd denne felles plattformen som planen vart, nettopp for å vite om kvarandre og i langt større grad arbeide tverrfaglege for å oppnå endå betre resultat.

5. Plan for førebyggjande arbeid

«Plan for førebyggjande arbeid 2009-2012» vart lagt fram for kommunestyret for handsaming i K-sak 57/09.

Planen viser breidda i det universelle arbeidet i kommunen, der det viktigaste er å leggje til rette for eit godt oppvekstmiljø for barn og unge.

I tillegg viser planen det selekterte og indikerte arbeidet, der ein synleggjer det sterke og tverrfaglege apparatet som skal stille opp og setje inn tiltak for dei barn og unge som får vanskar og slit med livet sitt, samt gripe inn når barn og unge lid overlast.

Planen er styringsgruppa og kommunen sitt overordna arbeidsverktøy i det samla førebyggjande arbeidet. Han forpliktar i forhold til felles kompetanseutvikling, tverrfagleg samhandling og felles rutiner for å fange opp og for å handle.

Planen har seinare vorte revidert årleg, i tillegg til at han har vore tema på alle møte i styringsgruppa.

I revisjonen gjort i januar 2011, klargjorde kvar fagavdeling kva ein hadde lykkast med og kvar utfordringane låg. Planen vart lagt fram for kommunestyret på nytt, samstundes med at kommuneoverlege og skuleleiar presenterte status og utfordringar for oppvekstmiljøet i kommunen.

6. Nytt vegskilje i 2014

På nytt står styringsgruppa ved eit vegskilje. I samband med årleg revisjon av planen, ser ein at det gjerne er detaljane i dei like avdelinga som vert «flikka på», i staden for dei overordna linjene. Det er no behov for ein grundigare revisjon av planen, der ein går tilbake til start og ser på både overordna mål, strategiar og felles utfordringar.

Gruppa har endra deltakarar, sett i forhold til starten. Dette har både med behov for fagkompetanse og omorganisering i kommunen å gjere. Gruppa er no stor og ulikt sett saman, med fleire frå somme avdelingar og færre frå andre. Ein må medgi at gruppa ikkje alltid er like effektiv.

Styringsgruppa har bestemt å la ei mindre gruppe vurdere status og kome med framlegg til ny organisering av gruppa. Inger-Marit Tofthagen, Eileen Gjerde og Sølvi Lillebø Remøy vart oppnemnt. Desse la fram eit forslag til restrukturering av organiseringa. I møte har styringsgruppa vedteke å følgje forslaget.

7. Ny organisering

7.1. Generelt

I staden for ei, stor styringsgruppe vert det no oppnemnd to grupper; ei strategisk styringsgruppe og ei faggruppe. Den strategiske styringsgruppa skal bestå av leiarane innan dei ulike fagavdelingane, medan faggruppa skal vere samansett av fagpersonar som arbeider direkte med barn og unge. Saman vil desse gruppene utfylle kvarandre og arbeidet vil verte meir effektivt og til det beste for barn og unge.

7.2. Strategisk styringsgruppe

Deltakarar i gruppa: leiarane for barnehage, skule, kultur, barn,- familie og helse og NAV. Denne gruppa skal danne basis for strategisk arbeid, og kan innhente kompetanse frå andre fagområde frå sak til sak.

Mandat

- Stake ut den overordna strategien for det førebyggande arbeidet for barne og unge
- Setje konkrete mål for arbeidet
- Innhentet tilstrekkeleg informasjon om oppvekstmiljøet og utfordringar, til å kunne legge klare mål og strategiar framover
- Legge forslag til mål og strategiar fram for faggruppa (sjå under), for involvering og forankring - og for at desse igjen kan utarbeide handlingsplanar.

7.3 Faggruppa

Deltakarar i gruppa: Fagleiarar frå avdelingane som arbeider med barn og unge. Denne gruppa kan etablerast med utgangspunkt i ei allereie eksisterande gruppe; samarbeidsgruppa for barnevern, PPT og helsestasjon. Gruppa skal utvidast med representantar frå andre aktuelle fagavdelingar, som skule, barnehage, kultur og NAV.

Mandat

- Vere med på drøfting av mål og strategiar,
- Utarbeide handlingsplanar med konkrete tiltak, på bakgrunn av vedtekne mål og strategiar
- Sikre kvaliteten på dei tverrfaglege tenestene, ved jamn oppfølging og kompetanseutvikling.

7.4.Felles

Møtefrekvens: Begge gruppene skal ha minst 2 møte per år, oftare ved behov og i særlege arbeidsprosessar. Gruppene skal vidare ha minst eitt felles møte pr.år, for avklaringar og prioriteringar. Dei felles møta kan leggjast i for- eller etterkant av dei spesifikke gruppemøta.

Endringa skal skje frå 2015. På første møte skal kvar av gruppene velje ein leiar. Strategisk styringsgruppa har allereie hatt sitt første møte, og har vald Inger Marie Tofthagen som leiar.

Strategigruppa skal starte med å evaluere og revidere dei strategiske satsingane og måla i Handlingsplan for førebyggjande arbeid 2012-2015. Dette arbeidet vil for fullt starte opp hausten 2015.. Det er innkalla til felles møte mellom gruppene 24. august 2015.

Faggruppa startar med å evaluere tiltaka for sine avdelingar, samt drøfte kvalitet og område for forbetring i dei tverrfaglege teama i barnehagar og skular.

8. Avslutning og vegen vidare

Dette notatet skal leggjast fram for Komite for oppvekst og Komite for helse og omsorg til orientering. Ein skal der også be om tilbakemelding frå komiteane på korleis dei vil verte informert om det vidare tverrfaglege arbeidet.

07.juli 2015

Inger Marie Tofthagen

Referatsaker

Referatsaker



Grunneigarar, naboar,
offentleg myndigheiter, lag
organisasjonar

Saksnr	Arkiv	Dykkar ref	Avd /sakshandsamar	Dato
2013/551	L12		UTV / AZT	04.09.2015

MELDING OM VEDTAK - GODKJENT REGULERINGSPLAN FOR GANG- OG SYKKELVEG SANDVIKA - STOKKSUNDKRYSET FV 10

Kommunestyret gjorde i møte 27.08.2015, K-sak 93/15, vedtak om å godkjenne reguleringsplanen for gang- og sykkelveg langs FV 10 frå Stokksundkryset og til Sandvika.

Reguleringsplanen legg til rette for ny gang- og sykkelveg på austsida av fylkesveg 10, frå krysset i Stokksund til krysset/avkøyrse for bustadområdet i Sandvika. Målet med planarbeidet er eit plangrunnlag for realisering av ny gang- og sykkelveg på strekinga for auka trafikktryggleik og tryggare skuleveg. Meir informasjon går fram av plandokumenta.

Vedtatt reguleringsplan er bindande for alle nye tiltak eller utvidingar av eksisterande tiltak som vist til i pbl. § 12-4, jf. § 1-6, innanfor planområde. Krav om innløyning eller erstatning etter pbl. §§ 15-2 og 15-3, må være framlagt seinast 3 år etter denne kunngjeringa. Slike krav skal rettes til kommunen.

Grunneigarar, naboar og offentlege myndigheiter og dei som blir berørt, får informasjon om vedtaket i eige brev.

Dokumenta som er knytta til vedtak er tilgjengeleg elektronisk på www.heroy.kommune.no . Du finn også dokument i papirformat i Servicetorget (1.etasje på Herøy Rådhus)

Kommunestyret sitt vedtak etter forvaltningslova og kan påklagast til Fylkesmannen i Møre og Romsdal innan tre -3- veker frå denne kunngjeringa. Klagen, som må vere grunngjeven, skal sendast til: *Herøy kommune, Utviklingsavdelinga, Postboks 274, 6099 Fosnavåg, eller til postmottak@heroy.kommune.no*

Frist for å klage på vedtaket er sett til **29.09.2015**

Med helsing

Jarl Martin Møller
Avdelingsleiar

Aleksander Zahl Tarberg
Sakshandsamar